



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



Ba be ntsoe leng

6


'Muso o ananele mahlale

8



BA THOHOLE TSA MOLA O

www.moeletsioabasothon.co.ls



Re se re fumaneha ho marangrang

Email: newsroom@moeletsioabasothon.co.ls
Tel: +266 28350466/ Whats app: 62600983

MOELETSI

'Nete ke tutulu

A ho utsoa a mangata, empa la ho tšoaroa le leng. E be bobolu boo bo tla fela neng kahar'a Naha ea Lesotho? Ho fihla moo re khathetseng ke bona joale, hobane bo etsahala le moo re behileng tšepo ea rona re le sechaba.

Monamoli o fihletse ho phahamisa mafika tjena moo a tsamaeang a fumana liphepheng, joo li se molome hle, haholo ha kene Lekaleng la Tsa Lehae. Utloa feela mehlole ea ka moo, 'me re rata ha ile a roala lieta ho ea inoesa ka nkho 'me a fumana e tletse e bile e tšoloha. Rona re buile re khathetse re le sechaba.

Lipatlisiso le liphuputso tsa hae li kuma hore ke bothata hore sechaba se fumane litokomane tsa mantlha tsa botho, likopo tsa bolulo le bojaki 'moho le tšebeliso ea kabo ea libukana tsa ho eta.

O re ho fumenehile hore bobolu bo teng ka moo ka lekaleng ke bona boo tšabehang. Haholo ba tjojo, khiro ea basebetsi ka tsela e seng molaong le karolo ea sesosa sa bosebeletsi bo bobo. A re lipatlisisong o se a bile a entse likhothaletso hore na bothata bona bo ka fetoa joang.

O re letona le ikarabella le eo kopa tšoarelo ho sechaba hore hobaneng se sa fumane litšebeliso. A boela a re ho latela bobolu bo ka lekaleng leo o ti'o kothaletsa DCEO ho kenya nko fatše ho hlaola bobolu boo. Ruri bohle bai- karabellang haba sa na sekoti sa ho ipata.

Ha ho ntho e bohloko ha re bona batho e ka ba sebetsa haholo moo ba filoeng bikarabello, e be joale ho hlaha bobolu boo motho ea joalo a bo entseng. Khiliki! Rona re bona e ka motho o tšoare hantle, athe seo re se bonang ke maholi a patile maeba.

Letona la mehlang la Thuto le Koetliso le matjaleng ka tsela e tjee? Utloa feela kabong ea mosebetsi oa ho fepe- la likolo tse itseng ka libuka, 'me a fa likamphani tse joalo mosebetsi, empa ha morao ho hlahella bobolu, hore lintho ha lia tsamaea hantle ka tsela eo li neng li lebeletsoe ka eona. Taba ena ea ho aba mosebetsi ka seoeso-oeso e be e tla fela neng, ha eka joale e bonahala e se e lefu la kobo anela tjee? Re ipotsa hore na Naha ea Lesotho e be e boemong ba bokae ka bobolu? DCEO athe mosebetsi oa eona ke ofe, kapa ha ena matla e tšoana le PAC feela ka ho fana ka likhothaletso? Mona re ntse re hamela letlapeng fela kapa hona ho kha metsi ka sefe.

Re se re bala nako e khutšoanyane feela Basotho ba ikotla sefuba, ka hobane re bona lintlafatso e ka li tla anela naha ka moka. Re shebile litsela ka moo li etsoang kateng le motlakase ho ea ka libaka ho fapana. Hona hore lerole le qobile hoo ke lumelang hore le tsipa sehole ea bona. Empa leha ho le joalo ho ntse hona le ba hanyet- sang litaba tseo, hobane fela ho thoe ke ba bohanyetsi.

Bophelo ba sechaba bo ti'o ntlafala le hore ba phethe maeto ha bo bebe le ho ea fihla litsing tsa bophelo ba ntse ba bolokehile. Taba eane ea ho nka bafu ka mampara e haufi e ba pale ea maobane.

Ruri tsoelopele e fana ka tšepo ho sechaba hore litšebeliso li tla ntlafala. Re lebohela sechaba seo sa Khokhoba le Makhoroana, haele mona le bona hlathe e leleki- sa tsebe ka ho fumana tsela e haufi e phetheloa.

Ke hobaneng Boto ea Lipalangoang e sa atamela basebelisi ba likoloi letsatsi le letsatsi ha ba ea mesebetsing le maetong joalo-joalo ka taba ee ea nyollo ea litefiso? Sechaba se ile sa fuoa feela matsatsi a mane hore se ikamahanye le phetoho ena. SECTION 2 e re ha e hanane le taba eo, empa hona le methati e tlotsoeng e sa lateloang ho latela kahlolo ea Lekhotla ea 2011 ka litaba tsona tse- na.

Mokhatlo o re liqeto tsa mofuta ona li lokela ho etsoa ka mokhoa o molaong, o pepeneng le o ikarabellang sechabeng. Hona ho re ruta hore katamelo ha ea ba ntle, ka hona li ke li eme hanyenyane, ho uoe lipuisanong.

MOLIMO A BOLOKE LESOTHO LE BASOTHO

Sechaba se nolofalloa ke maeto

Nthabeleng Seithleko

S ebaka sa Lebatooa la Mosalemane seo pele se neng se fihleleha ka thata, e se e tla ba pale ea maobane, kaha Le- fapha la Litsela le re mosebetsi oa ho nchafatsa ka lehlohlojane tsela ea bolelele ba lik'hilomithara tse 6.3 ho tloha Makhoroana ho ea Ha Lieta o se o le haufi le ho phethoa.

Mookameli oa Lika- mano le Sechaba Le- fapheng la Litsela, Nozizolo Mpopo o nete- falitse khatelo pele e seng e fihletsoe ea kha-

horoana ho ea Tsipa, e se e kentsoe lehlohlo- jane ka botlalo, 'me mosebetsi o setseng feela ke ho kenya 'li- raili' tsa tšireletso le matšoa a tsela, hoo ho etsang hore kakaretso e be 90% e seng e pheth- etsoe. A re karolo ea B, e qalang Tsipa ho ea Ha Lieta, eona e etsa 80%, moo karolo e kholo ea tsela e seng e kentsoe lehlohlojane.

Leha ho le joalo, o itse mesebetsi e ntseng e saletse karolong ea B e kenyeletsa khaho ea likhohlo tsa metsi (cul- verts) le meaho e meng e tšehetsang tsela.

O boetse a re mesebetsi e meng e setseng e kenyeletsa ho kenya lehlohlojane likarolong

bonolo.

Sekete o hlalositse hore pele ho nchafat- soa tsela ena, ho tlo- ha Makhoroana ho ea Setsing sa Bophelo sa Mapheleng, ho ne ho nka lihora tse fetang tse peli ka lebaka la boemo bo bobo ba tsela, empa hajoale nako ea maeto e fokotsehile haholo.

O boetse a re mosebetsi karolong ea B o ile oa lieha ka lebaka la lipula tse matla tse ileng tsa o setisa, hape mokonteraka a sebetsa sebakeng se nang le maemo a thata.

Leha ho le joalo, Se- kete o itse tsoelo-pele ena e fana ka tšepo ho sechaba hore litšebeliso li tla ntlafala kamor'a lilemo tsa mahlomola le



ho ea tsela ena ka la 12 Phupjane monongoaha.

Mpopo o boletse hore mosebetsi oa ho nchafatsa tsela ena o etsoa ka likarolo tse peli tse tsamaisoang ke likam- pani tse fapakaneng tsa lehlae, 'me ka bobeli li ntse li tsoela pele han- tle kaha karolo ea pele e ka etsang 90% e se e phethetsoe ha ea bobeli e tsa 80%.

O hlalositse hore karo- lo ea A, e qalang Mak-

tse ling tsa tsela, moo ho ntseng ho lokela ho kenngoa likhohlo tsa metsi, meaho le 'liraili' tsa tšireletso.

Ka lehlakoreng le leng, Mokanselara oa Khokhoba Electoral Di- vision, Ntabejane Se- kete o itse leha mosebetsi o e-s'o phethoe ka botlalo, bophelo ba baahi bo se bo fetohile haholo, kaha ba atlehile ho fihlela beng ka bona metseng e meng ha-

maeto a malelele pa- keng tsa Khokhoba le Makhoroana.

Mosebetsi oa ho nchafatsa tsela ea Makho- roana ho ea Ha Lieta o arotsoe lipakeng tsa likampani tse peli, e leng A&C Holdings e sebetsang karolo ea A ho tloha Makhoroana ho ea Tsipa, ha WN Let- sapo Construction Pty (Ltd) eona e sebetsa karolo ea B ho tloha Tsi- pa ho ea Ha Lieta.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKHETSE MORENA SECHABA SE PHETHEHLING (LUKE 1, 17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Monamoli o re letona le kope tšoarello

Nthabeleng Seitlheko

Mo n a m o l i Adv. Tlotliso Polaki o re Letona la Tsa Lehae le lokela ho kopa tšoarello sechabeng nakong ea matsatsi a mashome a mararo, ka bosebetsi bo bobe bo fanoang ke bahlanka lekaleng leo. Sena se hlalelletse 'mokeng oa baphatlalatsi ba litaba, ka la 12 Motšeanong monongoa-ha.

O re ha a fana ka tlaleho ea se fumanoeng nakong ea liphuputso tsa ho lieha ho fumana litokomane tsa mantlha tsa botho, likopo tsa bolulo le bojaki, 'moho le tšebeliso le kabo ea libukana tsa ho eta tsa boemo bo phahameng ka tsela e seng molaong.

O re ho fumanehile hore bobolu, tšebeliso ea tjo-tjo, khiro ea basebetsi ka tsela e seng molaong le ho robeha hoa mechine, ke karolo ea sesosa sa bosebetsi bo bobe, le hore melao ea phano le tšebeliso ea libukana tsa boemo bo phahameng, ha e kenngoe tšebetsong, kaha ho na le batho ba ntseng ba li sebelisa leha ba se ba se boemong ba ho etsa joalo.

O bile a re tse ling tsa likopo tsa batho ba kopileng bojaki, ha li e-s'o sebetsoe nako e fetang lilemo tse robeli, 'me o khotaletsa hore taba eo le mosebetsi o salletseng morao phanong ea litokomane tsa mantlha tsa botho, li phetheloe nakong ea matsatsi a mashome a tšeletseng.

Tlaleho ena e entsoe

ho ipapisitsoe le ho fumana lintlha le maemo a hlakileng a entseng hore ho be le tieho e tsoelang pele ho faneng ka libukana tsa ho eta tsa maeto, likarete tsa boitsebiso le mangolo a tlhaho, le ho hlahloba hore na liketso, tsa ho hloleha ho nka mehato, kapa ho se phethe mesebetsi ha lekala li kentse letsoho ka kotloloho kapa ka tsela e sa tebang tiehong eo.

Ho fumana lintlha le maemo a entseng hore ho be le tieho ho faneng ka litokomane tsa bohlokoa ho Basotho le bajaki, haholo mangolo tsa boahi le mangolo a tumello ea bolulo ba ka mehla, le ho fumana sesosa sa ho se sebetse hantle ha tsamaiso ena.

Ho hlahloba hore na ho hloleha ha lekala ho

fana ka litokomane tse-na ho tlola melao e amehang, melaoana ea lona ea tšebeliso, mekhoha ea tšebetso le boikarabelo ba lona ho sechaba, hape ho fumana hore na boitšoaro boo bo baka ho hloka toka kapa tsamaiso empe ho latela karolo ea 135(1) (a) ea Molao oa Motheo le karolo ea 7(6) (a) ea Molao.


Ho hlahloba hore na batho ba amehileng ba ile ba senyeheloa kapa ba hlalohoa ke mathata ka lebaka la boitšoaro ba lekala, le hore na tšenyoe e ne e le ea mofuta ofe le boholo bo bokae.

Ho etsa lipatlisiso ka liqoso tsa ho hiroa ha basebetsi ka mokhoa o sa nepahalang kahare ho lekala, le ho fumana hore na sena se bontša tšebeliso empe ea mat-


la le tsamaiso empe e ileng ea kenya letsoho ka tsela e sa tebang mathateng a phano ea litšebeliso.


Ho etsa lipatlisiso ka ho fanoa, ho bolokoa le tšebeliso e seng molaong ea libukana tsa boemeli ba naha ho kenyeletsoa le ho hloleha ha Mookameli oa libukana ho tiisa hore ho lateloa molao oa ho khutlisoa ha libukana joaloka ha ho hlalositsoe ke Molao oa Libukana le Litokomane tsa Maeto oa Lesotho oa 2018.


Ho hlahloba lebaka la ho boleloa ha "khaello ea boikemisetsa ba lipolotiki" e le sesosa sa ho se qobelloe ha molao, le ho fumana hore na sena se ka nkoa e le tsamaiso empe le ho hloleha ho phetha boikarabelo ba molao.





27 350 562 / 57396597 (whatsApp)
bookcentre@mazenodprinting.co.ls























SCHOOL BOOKS





now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

https://library.akello.co/

MOELETSI O TŠEHETSA BACHA

Tšeliso Thakholi

Re buisane le e mong oa bacha ba Khubetsoana, Seterekeng sa Berea, e leng abuti Tšepo Mongangane ea tsebahalang haholo ka lebitso la 'Bizzo', mabapi le khoebo ea hae e bitsoang M&M Anointed Supplies PTY LTD, e etsang mesebetsi e fapakaneng e kenyelatsang har'a e meng ho fepela likhoebo tse ling ka pampiri (printing sheets), lipene le 'files'. Mocha enoa ea sa tsoa phethela lithuto tsa hae Sekolong se Seholo sa Sechaba ngoahola, o lumela hore hona le mesebetsi e meng e mengata ea matsoho le ea lithuto tsa mahlale eo bacha ba ka tsebang ho iphelisa ka eona. O li beha joana:

HO SEBETSA HA SE HO HIROA

Bacha ba lokela ho tseba hore ho sebetisa ha se feela hore motho a hiroe, empa le mesebetsi ea matsoho ke tšebetso. 'Na ho tloha ke holile ke le mo kana ha ke e-s'o lakatse ho hiroa ho hang. Ke re le litorong tsa ka ha ke lakatse ho lora ke hiriloe, ke batla ho holi-sa khoebo ena ea ka eo ke seng ke e qalile.

Mesebetsi e teng kantle ka mona ho sa tsotellehe hore na motho o fihletse boemo bofe ba thuto, empa taba e kholo eo ke e khotlaetsang bacha ba heso, ke hore ba ikopanye ka litsebo tse fapakaneng tseo ba nang le tsona, ho ilhahisetsa mekhoa ea boipheliso ba sa lebella ho hiroa.

HO ITŠEBETSA



HO MONATE

Bacha ba haeso ha hona ntho e monate joalokaha o itšebetsa. Ho monate ho feta ho hiroa, hobane ha hona motho ea tla o laola mosebetsing oa hao. O tsoha ka nako eo o e ratang, feela o etsa ka matla hore o phethe mesebetsi oa hao hantle, ka nako le ka makhetha. Bacha ba lokela ho tseba hore le ha barutehile ba e-na le mangolo a phahameng ba lokela ho itšoarela ka matsoho e le hore ba tsebe ho iphumane-

la seo ba tla phela ka sona.

MESEBETSI EA HAE

Hantle 'na le ha ke e-tsoa ka NUL, haesale ke le motho ea ratang ho itšoarela ka matsoho. Ka thoko ho khoebo ena, ke etsa mesebetsi e fapakaneng ea matsoho joaloka ho cheseletsa. Ke boetse ke batla hore khoebo ena e se ke ea shebana le mesebetsi o le mong feela oa 'stationary'. Ke ba tla hore kahar'a eona hobe le mafapha a mangata a kang; ho kenyetsa batho mot-

lakase malapeng, ho ahela batho matlo le e meng.

Hona joale ke mothating oa ho tla bokeletsa bacha hore re ikopanye ka litsebo tsa rona tse fapakaneng, ho hlahisa mesebetsi re ntse re le tlas'a khoebo ena ea ka. Ke lumela hore ha re se re ikopantse re tla e fetola kampani, kaha e tla be e e-na le mafapha a mangata.

SEO A BATLANG HO SE FIHLELA

Joalokaha ke se ke boletse, ke batla ho iphumana ke se ke fepela likhoebo tse kholo ka pampiri naha ka bophara. Ke lakatsa hoba le koloi e kholo ea 'Truck' eo ke tla tseba ho isa thepa mabenkeleng ka eona. Hona joale khoebo e sa ntse e hola ke qalile ho fepela feela likhoebo tse tharo, 'me ke sebetisa le moena oa ka.

Empa morero ke hore pele selemo sena se fela, ke be ke rekile lithuthuthu, tseo ke tlang ho li sebelisa ho isetsa bareki thepa hohle moo ba leng teng kahar'a toropo ea Maseru. Taba ena e bolela tlhahiso ea mesebetsi, kaha ho tla ba le bacha ba babeli bao ke tlang ho ba hira, ke tla tseba ho hira ba bang ha mesebetsi o ntse o eketseha.

TŠEBETSO

Ntle le mosebetsi ona oa ka ke ntse ke etsa e meng ea nakoana eo 'muso o ntseng o re fa eona, e leng e ntseng e nthusana hore e holise khoebo, kaha e-s'o be boemong boo nka reng e ka mphelisa, e sa le ncha haholo. Morero o moholo ke ho bona e holi-le ho feta mona moo e teng.

LIKATLEHO LE LIHQOLOTSO

Ho fihlela hajoale ha ke e-s'o be le likatleho tse kholo, kaha e sa le ncha haholo 'marakeng. Empa lihqolotso tse kholo tseo ke kopanang le tsona ke hore, kaha re sa le bacha haholo motho o hlokometse hore bahoebi ba bang ba batla pampiri ho rona hafeela moo ba ntseng ba e reka teng e felile kapa e le sieo. Athe ka nepo ba lokela hore ba reke ho rona ka linako tsohle, e seng ha ba se ba le tsietsing ea tlhokahalo ea pampiri.

LITHEKO

Pampiri ea rona e fapana le ea tsena tse ling hobane e ntle, ke ea boleng ebile e theko li tlaase haholo. Re na le mekala eohle ea lipampiri tseo bareki ba ka li hlohang. Re kopa bareki ba tle ba tliil'o re nyolla. Ke motho ea makhetha ea bileng a ratang lintho tse ntle, ke ka lebaka lena pampiri ea rona e leng ea tse ling tse ntle ka ho fetisisa. Hona joale re sa ntse re sebeletsa lapeng, empa re morerong oa ho bula ofisi. Ha batho ba hloka thuso re ea fumaneha ka linako tsohle ho marang-rang.

MORERO

Laha ke ithutile hore khoebo ke ntho e boima haholo, e hlohang mamello, lera-to le tiisetso e le ho fihlela katleho, ke tlameha ho sebeletsa hore ke be rakhoebo ea tla tseba ho fepela likolo tsa mathomo le tse phahameng ka thepa esita le tse ikemetseng. Ke batla ho sebetisa ka thata hore ke be e mong oa bahoebi ba baholo.

KELETSO HO BACHA

Ke rata hore bacha ba kopane le batho ba bang ba itsehabatse e le hore mesebetsi ea bona e tle e atlehe. Bacha ba rate lintho tsa bohlokoa, tse tla tseba ho ntšetsapele tšebetso ea bona. E kholo ka ho fetisisa ke hore bacha ba ikopanye ka litsebo tsa bona, e be 'muso o re bulela mamati le ho batalatsa mabala. Bacha phaphamang ho sa khanya, le matla a ho iketsetsa a sa le teng ho ba tsa mokhathala ha li tsejoe.

M&M

Anointed Supplies



Bacha ba AD ba thoholetsa molao

Nthabeleng Seitlheko

Bacha ba Alliance of Democrats ba re ba tšehetsa sehlophiso sa molao oa khekethane se ntseng se tšohloa lipuisanong tsa naha. Bacha ba na ba re ba lumellana le maikutlo a moetapele oa mokha, Prof. Ntoi Rapapa, a hore molao ona o lokela ho fetolola molemong oa ho ntlafatsa tsamaiso ea puso ea sechaba ka sechaba Lesotho.

Litaba tsena li tiisitsoe ke Motlatsi oa Raliphatlatso oa Komiti ea Bacha ea AD, Mocheke Mpeka, puisanong le Koranta ka la 12 Motšeanong monongoaha.

Polelong ea bona, bacha ba AD ba boletse hore sehlophiso sena se tla thusa ho fokotsa mathata a amanang le khekethane, haholo-holo moo makhotla a lipolotiki a qobelloang ho fana ka lethathamo la mabitso ho IEC. Ba re sena se tla fokotsa menyetla ea likhohlano le liqabang tse atisang ho hlaha nakong ea likhetho.

Ba boletse ba re Rapa-

pa o lula a hatella taba ea hore sechaba sa Basotho se lokela ho beoa pele ho feta lithahasello tsa batho kapa mekha e itseng. Ho ea ka bona, molao o mocha o ka thusa ho aha sechaba se nang le botsitso le puso e ikarabellang.

Bacha ba na ba boetse ba bontšitse matšoenyeho ka mokhoa oo litulo tsa paramente li ajoang ka oona ha joale. Ba re ho na le batho ba kenang ka paramenteng ka lethathamo la mekha ntle le tšehetso e matla ea sechaba, athe ba bang ba khethuoe ka bongata, empa ba sala kandle ho paramente.

Ho ea ka polelo ena, ho na le mohlala moo motho ea fumaneng likhetho tse ka bang 1,400 a hlolehileng ho kena paramenteng, athe e mong ea fumaneng likhetho tse ka tlaase ho 300 a ile a kena ka lethathamo. Ba re sena se bontša ho hloka tekatekano tsamaisong ea khekethane.

Bacha ba na ba AD ba boletse ba nyatsa boitšoarobang ba bang ba baetapele ba mekha ea lipolotiki, bao ba reng ba khothaletsa batho ho se tšehetse liphetho tsa molao. Ba re sena se ka sitisa tsoelo-pele le boiteko ba

ho aha naha e nang le khotso le toka.

Qetellong ba ipilelitse ho Basotho hore ba tšehetse liphetho tsa molao oa khekethane hobane li ka thusa ho ntlafatsa puso le bophelo ba sechaba ka kakaretso.

Mpeka h'a tlatsetsa litabeng tsena, o hlalosi-

ho ipapisitsoe le eng, 'me taba eno e ne e baka liqabang kahare, kaha batho ba ne ba tseka ho behelloa ka holimo lenaneng.

A re taba ena e le bacha e tlo ba thusa ka kotloloho, kaha moo ebang mocha o emetse lebatooa, a sa atleha ho hlola, empa atlele le lipalo tse holimo o tlo atleha

lintlafatsong tseo le bacha ba tlo una molemo. Ba tlo etsa ka matla ho bona hore ba rarolla mathata a sechaba a kenyeletsang leqeme la mesebetsi.

Taba ena e tlo boela e fa bacha morolo oa hore ba ikutloe ba batla ho emela likhetho ka kutloisiso ea hore menyetla e bulehile



tse hore tlas'a molao ona o teng moo eleng hore lenane la khekethane le fanoa ke mekha kapa makhotla le matšolo, ha hona tsela e hlakileng ea hore na e fanoa

ho kena paramenteng.

Baiketi ba tlo qalella ho etsa lintlafatso tse molemong oa sechaba, kaha ba tla be ba batla hore sechaba se ba khethe, e le hore

hajoale, kaha sechaba se na le tšepo ho eena, e leng hore leha a ka hloloa ke lebatooa o tla kena ka khekethane haeba atlele le lipalo tse ngata.

RSL e khothaletsa Basotho ho lefa lekhetho



Nthabeleng Seitlheko

Setsi sa Pokello ea Lekhetho Lesotho se khothalelitse balefi ba lekhetho ho fana ka litlaleho tsa bona tsa lekhetho, le ho lefa mekoloto e setseng pele ho filha nako ea Phupjane e behiloeng, e le ho qoba likotlo le tieho ea motsotso oa ho qetela.

H'a bua nakong ea ho thakholoa ha letšolo la tlho-

komeliso mabapi le ho fana ka litlaleho tsa lekhetho ka la 8 Phupjane monongoaha, ea tšoereng molepo e le Mookameli oa RSL Re-thabile Raletsoane, o itse morero oa letšolo lena ke ho khothaletsa likhoebo le batho ka bomong ho latela melao ea lekhetho ka nako.

O ile a lemosa hore bafani ba lekhetho ba hlohang ho fihlela nako e behiloeng ba ka tobana le likotlo le litefiso tse ling. "O fana ka litlaleho tsa lekhetho pele ho nako ho thusa bafani ba lekhetho ho qoba tieho le mathata a atisang ho hlaha ha batho

ba bangata ba emela motsotso oa ho qetela."Ho boletse eena.

Raletsoane o boletse a totobalitse bohlokoa ba ho boloka lirekoto tsa lichelete ka nepo, a re sena se thusa likhoebo ho lokisa litlaleho tsa lichelete tse nepahetseng le ho matlafatsa boikarabello.

Ka lehlakoreng le leng Hlooho ea lipapatso le Thuto ea Bareki ea RSL, Sepiriti Letsatsi, o itse bafani ba lekhetho ba se ba ka sebelisa sesebelisoa sa mohala sa RSL ho fumana litšebeliso tse itseng, le ho phethela litšebetso tse

amanang le lekhetho ntle le ho etela liofisi tsa RSL.

O boletse a re letšolo lena le shebane le ho ruta sechaba ka bohlokoa ba ho latela melao ea lekhetho le tšebeliso ea mekhoa ea mahlale e hlalisitsoeng ke RSL. "Re batla hore bafani ba lekhetho ba sebelise mekhoa e teng 'me ba kobe ho emela hore nako e behiloeng e atamele."Ho boletse eena.

Ho lefa lekhetho ka nako ho nolofaletsa le khoebo ho sebetsa hantle ka lipheho tsa molao.

E mong oa balefi ba lekhetho, ho hlaha khoebong ea Shines Ha-Fako, Maneo Lintši, o itse ho bohlokoa ho lefa lekhetho hobane ho ne ho sena hore batho ba ka fumana litšebeliso.

A re ke 'nete ho buima khoebong ka lebaka la moruo o putlameng, empa ho bohlokoa hore lekhetho le lefuoe. "Ke khothaletsa haholo bacha ba kena khoebong ho ithuta ka bohlokoa ba ho lefa lekhetho, hore qetellong ba tsebe bohlokoa ba ho kena khoebong. "ke eena eo .



Maparamente a be ntsoe leng

Nthabeleng Seithleko

Mothehi oa Global Tuberculosis Caucus, ebile e le setho sa paramente ea Britain, Nick Herbert, o re ha ho sa loke-la hore batho ba tsoelepele ho kula, kapa ho bolaoa ke lefuba, nakong eo ho seng ho e-na le meriana e betere le lisebelisoa tsa morao-rao tsa ho hlahloba lefu lena. Litaba tse na li hlahele-tse puong ea hae ka la 8 Motšeanong, Paramenteng ea Lesotho.

O hlalositse hore litho tsa Paramente ea Lesotho li lokela ho etella pele ntoa khahlanong le Lefuba, lefu leo ho hakannang hore le ile la ama batho ba ka bang 13,000 Lesotho, ka selemo sa 2024. Lekala la Bophelo le ntse le thatafalloa ke ho sala bakuli morao le ho ba hokahanya le kalafo ka lebaka la khaello ea lichelete.

“Lefuba le haelloa haholo ke lichelete naheng ena. Bakuli ba bangata ha ba khone ho latela kalafo hantle hobane ba lapile.” Ho boletse Dr. Llang Maama, Motsamaisi Kakaretso oa

Litšebeliso tsa Bophelo Lekaleng la Bophelo, h’a bua a le paramenteng ka la 8 Motšeanong 2026.

Herbert o khothalelitse litho tsa paramente ho kenella ntoeng ena, o itse: “Le ka ba bahale ntoeng khahlanong le lefu lena,” a kopa paramente ho ba ntsoe leng ho tšehetsa bakuli ba Lefuba le ho matlafatsa boitlamo ba lipolotiki.

A etsa temoso hore leha lipehelo tsa Ntšetsopele e Tsoelang Pele (SDGs) li rerile hore lefuba le felisoa ka 2030, ho sa le boima. “SDGs li re Lefuba le tla be le felisitsoe ka 2030, e seng e le lilemo tse ‘ne feela ho tloha joale. Empa ka tsela eo lintho li tsamaeang ka teng hona joale, Lefuba le ka nka lilemo tse ling tse 100 pele le fela. Ke kamoo re saletseng morao kateng. Ke feela ka mantsoe a maparamente, boetapele ba matona a bophelo le boikemisetso ba rona bo kopaneng moo re ka fetolang pale ena.” A rialo.

“Lefuba ke lefu le bileng teng nako e telele joaloka motho lefatšeng lena. Ke lilemo tse ka bang lekholo, re ntse re tseba hore Lefuba lea phekoela. Ho tloha ha ho sibolloa ‘li-antibiotic’,



re tseba ho le phekoela le ho le thibela. Kajeno ho bile ho e-na le meriana e betere, lisebelisoa tsa tlhahlobo tse ntlafetseng, ebile ente e se e le haufi.” Ho boletse Herbert.

O bontšitse hore lisebelisoa tsa ho hlola lefuba li se li le teng, leha linaha li tobane le mathata a mangata a tšebeliso ea lichelete tsa sechaba. Herbert o re ha ho na tsela e molemo ea ho sebelisa lichelete ho feta ho pholosa bophelo ba batho. O itse Maparamente

a tšoanetse ho bokella lisebelisoa tsohle tse teng, a sebelisane le mekhatlo e fapakaneng, ho khothaletsa hore ho be le lichelete le ho beha boikarabelo ho ba filoeng mosebetsi oa ho loantšha Lefuba.

“Bona ke boetapele boo re bo hlokanang, ‘me boetapele boo bo tšoanetse ho tsoa haholo ho litho tsa paramente. Ke ka lebaka leo re thehileng Global TB Caucus hobane rona maparamente re na le lentsoe, e bile re na le matla a ho ema liforamong

tsa naha re re ho tšoanetse ho etsoe ho hong.

Global TB Caucus e lumela hore ho thehoa ha mokhatlo ona Lesotho ho bohlokoa haholo. O re lilemong tse leshome tse fetileng, mokhatlo o bone hore ha maparamente a sebetsa ‘moho ho sa natsoe mekha ea lipolotiki, ba atleha ho tliša phetoho e kholo. O hlalositse hore ha litho tsa paramente li sebetsa ‘moho, ho hlola Lefuba e ba bosesanyane ba khoele ho khaoha.

Letona la Bophelo Mohlomphehi Mamokete Ntšekhe o hlalositse hore batho ba limilione tse 10.7 ba ile ba kula ke Lefuba lefatšeng ka 2025, ha ba limilione tse 1.23 ba ile ba hloka hahala. Lesotho ke naha ea pele Afrika ka morao oa Lefuba le HIV, ‘me ke ea bone lefatšeng. Basotho ba ka bang 13,000 ba ile ba kula ke Lefuba ka 2024. A re ke 51% feela ea bakuli ba ileng ba fumanoa le ho phekoela, ha 49% ba ntse ba sa tsejoe.

Bana ba etsa feela 5% ea bakuli ba fumanoeng tlas’a sepheo sa 10-15. Batho ba 420 ba hakannang ba na le MDR-TB, empa ke ba 119 feela ba fumanoeng le ho phekoela. Ha 49% ea bakuli ba Lefuba ba boetse ba phela le HIV. Sekhahla sa lefu ka lebaka la Lefuba ke batho ba 187 ho ba 100,000, ‘me 69% ea bona ba na le HIV. Lesotho e se e fokolitse mafu a Lefuba ka 33% le sekhahla sa bakuli ka 30%, empa sena ha se e-s’o fihlele lipheo tsa 2030.

Malapa a 19% a anngong ke lefuba a ntse a tobana le litšenyehelo tse bohloko tsa kalafo. A re Lefuba lea phekoela ebile lea thibelo, empa bofuma, tšala le matlo a petetsaneng li ntse li le matlafatsa.

Letsatsi la Lefatše la Baoki

Nthabeleng Seithleko

“Letsatsi la Lefatše la Baoki, ke boikhopotso ba lerato, boitelo le boitlamo bo re ileng ra bo etsa ba ho boloka bophelo ba sechaba maemong ohle.” Litaba tse na li boletsoe ke emong oa

baoki sepetleleng sa Mafu a kelello, ‘Mampho Masupha, puisonong le Koranta ka la 12 Motšeanong monongoha.

O hlalositse hore ho ba mooki ke leeto le lokelang ho hlompha tokelo ea mooki le mooki. A re e le mooki, qholotso tse kholo, ke hore batho ba lebeletse bosebeletsi bo tsoileng matsoho, empa ba sa tlhomphe

litokelo tsa mantlha tsa baoki. “leha motho a ka kula ka boima hakae, o lokela ho ho mamela le ho mamella ba mo thusang hore a tle a fole.” Ke Masupha eo.

O tsoetsepele hore ba sebetsana le mofuta e fapakaneng ea bakuli, empa qholotso e kholo ke ea bana ba sebelisang lithetefatsi ba le banyenyane haholo lilemong.

A re qholotso tsa mosebetsing oa bona ke serame ha e le mariha, thepa e hloekisang ‘moho le chelete ea tlakotsi, hape ba sebetsa maemong a hloabaetsang. A re leha ho le joalo, o khothaletsa batho ho ea litsing tsa bophelo ha ba ikutloa ba sa phela hantle, hobane ngaka ke eona e etsang qeto le ho fana ka lithhare tse nepahetseng.



SECTION 2 e re nyollo e huloe

Nthabeleng Seitlheko

Mokhatlo oa Advocates for the Supremacy of the Constitution (SECTION 2) o bontšitse ngongoreho e kholo mabapi le phatlalatso ea Boto ea Lipalangoang ea ho phahamisa litefiso tsa lipalangoang tsa sechaba. Polelo ena ke ea la 8 Motšeanong monongoaha.

Ka la 7 Motšeanong monongoaha, boto e phatlalalitse keketseho e kholo ea litefiso tsa litekesi. Mohlala, tefo ea 4+1 e nyolohile ho tloha ho M13.00 ho ea ho M17, e leng keketseho e fentang 30%. Litefiso tsena li qalile ho sebetsa ka la 11 Motšeanong monongoaha, ho bolelang hore sechaba se ile sa fuoe matsatsi a mane feela hore se ikamahanye le phetoho ena.

SECTION 2 e re sena se beha Basotho ba bangata mathateng hobane bohlo ba basebetsi, baithuti le malapa ba se ba entse meralo ea lichelete tsa khoeli ea Motšeanong. Batho ba bangata ba se ba sebelisitse chelete bakeng sa rente, lijo, litefiso tsa sekolo le litlhoko tse ling, kahoo ho thata hore ba fumane chelete e eketsehileng ea lipalangoang ka tšoahanyetso.

Mokhatlo ona o re lipalangoang tsa sechaba ke tšebeletso ea bohlokoa eo Basotho ba likete ba itšetlehileng ka eona letsatsi le letsatsi ho ea mosebetsing, sekolong, litsing tsa kokelo le ho etsa mesebetsi ea bona ea bophelo. Ka lebaka leo, liqeto tse amang lefapha lena li lokela ho etsoa ka mokhoa o molaong, o pepeneneng le o ikarabellang sechabeng.

Leha SECTION 2 e amohela hore beng ba lipalangoang le bona ba tobane le mathata a moruo, ho kenyeletsa litšenyehelo tse ntseng li

phahama le 'inflation', e re le baeti le bona ba utloa bohloko bo tšoanang ba moruo.

Mokhatlo ona o re kamor'a ho hlahloba phatlalatso ena ho latela Molao oa Lipalangoang oa 1981 hammoho le qeto ea Lekhotla le Phahameng ea la 6 Phato 2011, nyeoeng ea MRTO v Traffic Commissioner and Others, o fihletse qeto ea hore ketso ea Boto ea Lipalangoang ha e molaong ebile e tloa qeto ea lekhotla e ntseng e sebetsa.

SECTION 2 e re Boto ea Lipalangoang ha ena matla a ho beha litefiso ka mokhoa oo e o entseng, hobane lekhotla le kile la

ahlola taba eo ka 2011. Ka lebaka leo, mokhatlo ona o re keketseho ena ea litefiso ha e na matla a molao ebile ha ea lokela ho qobelloa.

Mokhatlo ona o boetse o lemosa hore haeba lekhotla le ka leka ho qobella litefiso tsena, ho tla nkuoa mehato ea potlako ea molao, ho kenyeletsa ho isa taba lekhotleng le ho qosa boto ka ho nyelisa qeto ea lekhotla.

SECTION 2 e re ha e hanane le ho phahamisoa ha litefiso haeba ho etsoa ka mokhoa o molaong. E khothaletsa hore pele litefiso li ka fetoloa, beng ba lipalangoang ba etse likopo tsa semolao ho

lekhotla. Ho tšoaroe likopano tsa sechaba moo batho ba ka hlahisang maikutlo kapa likhanyetso. Ho etsoe liqeto tse hlakileng mabapi le litefiso. Sechaba se fuoe bonnyane matsatsi a 14 pele litefiso tse ncha li qala ho sebetsa, hape li qale qalong ea khoeli.

SECTION 2 e boetse e ipiletsa ho Boto ea Lipalangoang hore e hule phatlalatso ena hanghang, ha e ntse e kopa Letona la Mesebetsi ea Sechaba le Lipalangoang ho laela lekhotla ho latela qeto ea lekhotla ea 2011.

Mokhatlo ona o boetse o kopa Paramente hore e hlahlobe Molao oa Li-

palangoang oa 1981, ho bona hore na o hloka lipheto, athe Attorney General eena a eletse mekhatlo eohle ea 'muso, hore qeto ea lekhotla ea 2011 e ntse e sebetsa.

Qetellong SECTION 2 e re taba ena ha se ngangisano ea moruo kapa leano feela, empa ke taba ea molao. E re leha ho ka hloka hore litefiso li nyolohe, seo ha se fe lekhotla matla a ho tloa molao kapa liqeto tsa makhotla.

Mokhatlo ona o phethela ka hore puso le mekhatlo eohle e amehang li tšoanetse ho sebetsa ka boikarabelo, li hlomphe molao le liqeto tsa makhotla, e le hore beng ba lipalangoang le baeti ba tšoaroe ka toka.

Nyeoe ea bobolu e beheloa letsatsi

Nthabeleng Seitlheko

Nyeoe eo Setho sa Paramente sa Lebatooa la Matlakeng, eo e kileng ea eba Letona la Thuto le Koetliso, Dr. Mahali Phamotse ea belaeloang ka bobolu hammoho le Letona la Lipapali, eena le balekane ba hae 'Mapaseka Kolotsane le Ratšiu Majara, e reretsoe ho qala ho mameloa ka la 12 Motšeanong monon-

goaha.

Ho beoa ha letsatsi la nyeoe ho kile ha lieha kaha nyeoe e ne e-s'o itokisetsoe ka botlalo, hobane mehato e meng ea pele ho nyeoe e ne e sa phethoa, ho kenyeletsa ho fapanyetsanoa ha litokomane tsohle tsa bohlokoa.

Lehlakore la baitšireletsi le ne le tletleba ka hore bochochisi ha boa ka ba fana ka litokomane tsohle tseo ba li hlokanang ho itokisetsoa nyeoe. Ba ile ba boela ba re tse ling tsa litokomane tseo ba li filoeng li ne li sa balehe hantle, ka hoo li lokela ho nkeloa sebaka ke tse

balehang. Taba e 'ngoe e ileng ea liehisa nyeoe ke seboka sa pele ho nyeoe (Pre-Trial Conference) se neng se lokela ho phetoa hape.

Ho boleloa hore Dr. Phamotse nakong eo e neng e le Letona la Thuto le Koetliso, o ile a sebetsa le balekane ba hae ho susumetsa ka mokhoa o seng molaong ho fa Kampani ea Epic Printers le Molumeli PTY (Ltd) 'tender' ea libuka tsa likolo tse phahameng ka selimo sa 2015.

Ho boetse ho thoe o ile a sebelisa boemo ba hae hampe e le letona ka ho susumetsa phetoho litl-

hokong tsa boiphihlelo litokomaneng tsa 'tander' ea Lekala la Thuto le Koetliso e neng e aman'tsetso pele, khatiso, phephelo le phano ea libuka tsa Sehlopha sa Bohlano le tataiso ea litichere bakeng sa Setsi sa Ntlatfatso ea Lenane-Thuto la Naha.

Sehlopha sa babueli ba molao nyeoeng ena se thehiloe ka Adv. Motiea Teele (KC), Karabo Mohau (KC) le Salemane Phafane (KC) ba emetseng lehlakore la baitšireletsi, ha Adv. Peleha Joala eena a e metse bochochisi.



Mazenod Tailoring
Prepare good People for The Lord

tailoring@mazenodprinting.co.ls

22 350 224
+266 50757585

**Transforming your image
is our Passion**

Readily available





'Muso o ananele mahlale



Nthabeleng Seithheko

Morena oa Sehlooho M o r e n a Peete Le-saoana Peete, o hlahisitse tlhahiso ka Ntlong ea Senate, a kopa 'muso ho khothaletsa tšebeliso ea Mahlale a tsoetseng pele (Artificial Intelligence - AI), har'a Litho tsa Paramente molemong oa ho ntlafatsa tšebetso ea litšebeletso le ho eketsa bokhoni mekhatlong ea sechaba. Litaba tsena li hlahelletse tulong ea Ntlo ea Senate, ka la 12 Motšeanong monongoaha.

H'a hlahisa tlhahiso ena, Peete o itse haeba AI e ka hlophisoa le ho laoloa hantle, e ka fetola haholo tšebetso makaleng a fapakaneng kahar'a naha. O bontšitse hore mekhoha e tsamaisoang ke AI e ka thusa ho fokotsa tieho litšebeletsong tsa sechaba, ho kenyelletsa phano ea libukana tsa ho eta le litokomane tse ling tsa 'muso.

O hlahositse hore ho fapana le batho, AI ha

e sebetse ka maikutlo kapa maemo a 'mele, kahoo sena se ka thusa ho fokotsa moroalo ho basebetsi ba 'muso le ho netefatsa hore litšebeletso li lula li fanoa ka mokhoa o tsitsitseng.

A tsoelapele hore tšebeliso ea AI e ka matlafatsa tšebetso ea Paramente ka ho thusa baetsi ba melao, ho hlahisa maano le melao e tsamaellanang le lipheto ho tsa mehla le tsoelopele ea lefatše. O boletse hore hajoale lipheto ho tsa maano le melao hangata li nka nako e telele, hoo ho etsang hore melao e se ke ea tsamaisana le lipheto ho tsa mahlale, moruo le sechaba tse etsahalang lefatšeng.

A bontša hore linaha tse ling li se li sebelisa AI ho thusa lithutong likolong, a re marang-rang a maemong a mang a bontšitse katleho e kholo, hobane a sebetse ka botso ntle le maikutlo kapa boitšoaro bo fapaneng. O itse baithuti ba bang ba hloleha lithutong tse itseng eseng hobane ba sa khone, empa hobane litichere li sitoa ho amo-

hela phapang ea lebelo la kutloisiso har'a bana.

Ho ea ka Peete, AI e khona ho lemoha boemo ba kutloisiso ba moithuti le ho fetola mokhoa oa ho ruta ho latela lebelo la hae ntle le ho teneha, e leng se ka ntlafatsang sephetho sa thuto le ho fa baithuti menyetla e lekanang.

O hatelletse bohlokoa ba hore Lesotho e be karolo ea linaha tse hlahisang le ho ntšetsapele mahlale a AI ho e-na le ho lula e le bareki feela. O itse linaha le batho ba hlahisang mahlale a AI ba ka rua molemo moruong ka boqapi, khoebo le tlhahiso ea mesebetsi, athe bareki bona ba qetella ba reka mahlale a tsoang kantle

ntle le melemo ea nako e telele moruong.

A bua ka menyetla eo AI e ka e tlisetsang bacha, a re haeba ba ka fuoa tšebetso le koetliso e nepahetseng, ba ka sebelisa mahlale ana ho iqapela mesebetsi, ho ntlafatsa bophelo ba bona le ho kenya letsoho kholisong ea moruo.

O ekelitse ka hore batho ba phelang le bokooa le bona ba ka rua molemo haholo ho AI, kaha mahlale ana a ka thusa ho ntlafatsa bokhoni, ho eketsa ntlafatso ea tlhahisoleseling le ho theha menyetla ea mesebetsi e sa itšetleheng ka ho sebetse liofising.

Leha ho le joalo, Peete o hlokomelitsitse hore

leha AI e le sesebelisoa se matla sa ntšetsopele, e ka sebelisoa hampe haeba e sa laoloe hantle. Ka hona, o kopile 'muso ho theha melao le maano a hlakileng ho netefatsa tšebeliso e nang le boikarabelo le boitšoaro.

Lefatšeng ka bophara, mebuso le mekhatlo li ntse li eketsa tšebeliso ea AI makaleng a kang la bophelo, thuto, temo, lichetele le puso molemongo ho ntlafatsa tlhahiso le liqeto. Litsebi le tsona li hlokomelisa hore leha AI e tliša menyetla e meholo moruong, ho bohlokoa hore ho be le mehato ea tšireletso khahlanong le litaba tsa leshano, tlolo ea molao le litlhaselo tsa marang-rang.

NEWS

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd
Prepare good People for the Land



TSA KEREKE

Litho tse ncha li itokisetsa likapeso

Tšeliso Thakholi

Ele boitokisetso ba litho tse ncha tsa Kopano ea Baena ba Setefane, ho tla qhoaeloa malente a ho ba bakokoti. Komitjana e ikarabellang litabeng tsa borapeli kahare ho Kopano e thakhotse ka molao lithupelo tsa ho hlahlella litho tse ncha ka malebela mabapi le Kopano ea Baena ba Setefane, tšebeletsong e bileng Parishing ea Maria Mofumahali oa Lefaatše, Mazenod ka la 9 Motšeanong monongoaha. Pusanong le Raliphat-

ha e ntse e le bana pele ba kena likamohelong le litiiseletsong, "litaba tse a manang le Kereke ba li rutiloe. Joale le rona ha re mekhelo, re ntse re kena Katekisimeng ea Kereke feela joale re se re re, motho enoa o amohetsoe hobane a rutuoe, 'me kahare ho kopano re tliil'o mo betlela tsena tsa kopano re sa siee ka thoko thuto ea Kereke."

A re ba ntse ba tsoela pele ka thuto ea Kereke, feela ba sekametse haholo ka ho tsa Kopano ea Baena ba Setefane. A re a mang a maano a maholo a bona ke litaba tsa

eba re se re etsa senyamo. Tabeng ea lilemo re ntse re nka ba lilemo li tšeletseng empa le teng re amohela bohle hobane batsoali ka lebaka la ho rata kopano ba re fa bana ba banyenyane bao re seng re ntse re ba holisetsa kahare ho eona. E tsoe thupa e otlolloa e sa le metsi."

A bontša hore litho li nka selemo e le bakokoti ho fihlela moprista e leng Rameea oa Kopano a kholisehile hore e fela li ka apesoa. "E leng hore ha ba se ba kokotile ba boetse ba nka selemo hore ba ka apesoa, ka ho qhoaeloa lelente le lekhubelu, ho ba



lalatso oa Kopano ea Baena ba Setefane e bile e le Molula-Setulo oa Komitjana ea Lithupelo, Rethabile Ramokotjo o boletse hore lithupelo tsena tseo ba li thakhotseng ho fihlela ba ea likapesong, tse tliil'o tšoareloa 'Mishoneng oa Josefa ea Halalelang, Koro-Koro ka la 25 ho isa la 28 Phupjane monongoaha, morero o moholo oa tsona ke ho tla rupela litho tse ncha ka melao ea kopano, maano, nalane, lithapelo le lisebelisoa tsa Kereke, e leng lijana le li-aparo, "hobane basebeletsi ke bona ba li sebelisang letsatsi ka leng."

A re ba shebane haholo le tsena hobane ba utloisisa hore kantle le hore ke litho tsa Kopano, e bile ke Makatholike a bileng le lithupelo tsa bona ho tloha

bosebeletsi, e leng ho fanana ka menyetla ea ho sebeletsa Aletareng litšebeletsong tse fapakaneng tsa Kereke. A re ba boetse bana le melao e hlakileng e tataisang litho hore na li lokela ho tsamaea ka tselo ea mofuta ofe kahare ho kopano. "Hantle bohola ba litaba tsa rona bo itšetlehile holim'a maano, lithapelo, lijaneng le lisebelisuoeng tsa Kereke." A rialo.

A re hore motho e be mokokoti e lokela hore e be Mokatholike ea amohetseng Sakramente ea Tlhatsuo, empa h'a le tlase lilemong batsoali ba lokela ho mo etsatsa lengolo le mo lumellang ho kena kahare ho kopano. "Feelaha hangata re khotlaetsa hore e be motho ea seng a amohetse. Ke ka lebaka lena nakong ea likamohelo

litho tse feletseng tsa Kopano.

A qetella ka hore tebelo ea bona ho litho tsena tse ncha le ho tsa khale ke boitšoarobotse ka linako tsohle, bo ke keng ba silafatsa kopano, Kereke le tikoloho eohle eo ba phelang kahare ho eona. "Motho haele mosebeletsi oa aletare re se ke ra 'mona feela ka boitšoarobotse kerekere, empa e be mohlala o motle moo a phelang teng ka ho etsa liketso tsa lerato, mohau le ho bontša bosebeletsi ba hae e seng feela Aletareng, empa le motseng moo a phelang teng. Bana ba tliil'o qhoaeloa malente a bokokoti re khotsofetse ka bona hore ba ka amoheloa kahare ho kopano e le bakokoti." Ke Ramokotjo eo.

2025-2026 SELEMO A

SONTAHA SA 7 SA PASEKA



Liketso 1:12-14

Pesalema 26

1Peterose 4:13-16

Joannes 17:1-11



Khothatso

Baapostola ba tiisetse thapelong

Ka Sontaha se seng le seng Kereke e re hopotsa e 'ngoe kapa e 'ngoe ea litšoaanelo tsa rona bakriste: ho ikokobetsa, ho ba le moea oa teboho, oa bofumanehi, ho batla tsa leholimo le ho furalla tsa lefatše, joalo-joalo. Ha e le litšoaanelo tse khoho, Kereke e khutlela ho tsona khafetsa, hore re se ke ra li lebala; har'a tsona re ka supa tse peli; ke tšoaanelo ea ho boloka molao oa lerato le tšoaanelo ea ho rapela. Kajeno, Kereke e re ruta hore re sitoa ho etsa letho ka ntle ho Morena Molimo, 'me re tšoaanetse ho rapele ka mokhoa o tebileng.

Morena oa rona Jesu Kriste o re behetse mohlala oa thapelo. Ha e sa le moshanyana, re ne re 'mona a ea tempeleng le batsoali ba hae ka ho ea ka molao oa Bajodi.

Re utloa evangeling hore pele a qala ho ea metseng le metsaneng ea Galilea ho ruta 'muso oa maholimo, Jesu o ile a qeta matsatsi a mashome a mane feelleng, a ntse a rapela.

Hape re utloa hore Jesu o n'a rapela hangata, 'me lithapelo tsa hae li ne li le telele. Ke ka makhetho re boneng hore o ile a qeta bosiu a ntse a rapela, joaloka pele a khetha baapostola ba hae, le kamorao ho katiso ea mahobe. O ile a rapela serapeng sa Gethsemani hangata mantsiboea, ho thoe e ne e le tloaelo ea hae, empa e ne e le ho bua le Ntata'e le ho tlotlisa, ho mo leboha, le ho tšepisa hore o ikemiselitse ho phetha thato ea hae.

Ha e le baapostola bona, ha re ba bone ba rapela. Eka thapelo e ne e ba hlola, e ne e le ntho e ncha ho bona, ntho eo ba neng ba sa e tsebe. Ba tlameha ho kopa Jesu hore a ba rute ho rapela, hobane ba ne ba 'mona a rapela kamehla, empa ba sitoa ho mo etsisa.

Jesu o ile a ba ruta thapelo e bitsoang Thapelo ea Morena, eo re e sebelisang le kajeno; empa thapelo e ile ea tsoelapele ho hlola baapostola. Esita le motsotsong oa ho qetella, serapeng sa Gethsemani, Jesu a fumana baapostola ba hae ba robetse, athe o n'a ba kopile ho falimeha le ho rapela le eena.

Re qala ho bona baapostola ba rapela ha Jesu a se a nyolohetse leholimong. Teng, ba tiisetse thapelong, ba ba pelo-'ngoe, ba qeta matsatsi a leshome ba ntse ba rapela joalo ba e-na le Maria le basali ba bang. Kamorao, bukeng ea Liketso tsa baapostola, re ba bona khafetsa ba rapela. Moea o Halalelang o ile oa ba ruta mokhoa oa ho rapela le lebaka la thapelo; ba utloisisa joale hore ba sitoa ho etsa letho hobane ka bobona 'me ba tlamehile ho kopana le Jesu thapelong kamehla, ba tsebe thato ea hae holim'a bona, 'me ba fuoe matla a ho etsa thato ena ea Molimo. Esita ha ba le har'a mesebetsi e mengata, ba ikutloa ba sitoa ho qeta nako e telele ba sa rapela. Ba ile ba ikopela batlatsi, badiakone, ba ka abelang batho lijo bitsong la bona, e le hore bona ba tsebe ho fumana sebaka sa ho rapela.

Rona, bakriste, re rutiloe thapelo ho tloha bocheng ba rona. Re tseba Thapelo ea Morena, Tumeliso ea Lengeloi, Tumelo ea Baapostola, Ketso ea Tumelo, Tšepo, Lerato le Soabo, re bala Rosari, re bina lifela, re tseba lithapelo tse ngata tse ling tse ngotsoeng bukeng ea Lithapelo tsa Bakriste, tse kang Lithapelo tsa 'Missa, Litanja kapa Boinehelo ho Pelo ea Jesu. Lithapelo tsena re li etsa khafetsa. Ke hantle, empa na ho etsa joalo, re rapela hantle?

E, re etsa hantle, haeba lithapelo tsena li etsoa ka lipelo tsohle tsa rona, e seng ka molomo feela le haeba li etsoa ka cheseho e seng ka tloaelo feela. Re rapela hantle, haeba lithapelo tsa rona li akareletsa mesebetsi eohle ea thapelo, e leng ho khumamela Molimo le ho mo tlotlisa, ho mo leboha, ho kopa tšoarelo ho eena, ho kopa thusa ea hae le ho inehela ho eena.

Empa, haeba re hlokomela hore re rapela ha re le tsietsing feela, 'me thapelo ea rona kea ho kopa feela, re tsebe hore ha re rapele hantle; hobane seo re se etsang ke ho kopa Morena Molimo hore a re thusa 'me a etse thato ea rona. A the o re rutiloe hore thapelo e ntle ke ha re mo kopa hore a etse thato ea hae, le rona re etse thato ea hae, ea seng ea rona.

Ha ho le joalo, ho e-na le ho bina feela, kapa ho etsa lithapelo tse ngotsoeng bukeng kapa tseo re li tsebang ka hlooho (tsona li ntle empa ha lia lekana), re tšoaanetse ho tloaela le eona thapelo ea boinehelo, e etsetsoang ka pelong, e leng thapelo ea ho bua le Morena Molimo ka mantsoe a tsoang pelong tsa rona. Ho feta moo, ha re rapela joalo, re tšoaanetse e seng ho bua feela, empa le ho mamela Morena ea buang le rona, ea re bolellang seo a ratang hore re se etse, ea re hlalosehang thato ea hae. Motho ea rapelang joalo ka tsatsi le leng le leng, o rapela hantle, hobane o tseba thato ea Molimo holim'a hae 'me o'a e phetha.

Leha ho le joalo, leha re rapela hantle ka tsatsi le leng le leng, ka nako e 'ngoe re lokela ho etsisa Jesu ka ho ea thabeng kapa feelleng le ho rapela bosiu nako e telele. Ke hore, re tšoaanetse ho etsa ntho eo re bitsoang "Reterete" kapa nako ea boikhutso. Thapelo e telele, e tebileng ea mofuta ona, e re nchafatsa moeeng 'me e re kopanya haholo le Morena Molimo.

Bahalaleli har'a Beke

- 18 Motšeanong Mopapa John I
- 19 Motšeanong Dunstan
- 20 Motšeanong Basilla
- 21 Motšeanong Eugene de Mazenod
- 22 Motšeanong Rita
- 23 Motšeanong Julia

Bob o phatlalatsa sehlopha

Tšeliso Thakholi

Mokoetlisi oa Sehlopha sa Naha, Likuena, Monghali Bob Mafoso o phatlalalitse lenane la mathomo la libapali tse 45 tse kenyelelitseng libapali tse ncha, e le ho itokisetsa litlholisano tsa Mohope oa COSAFA tse tliil'o tsoareloa Naheng ea Afrika Boroa mafelong a Phupjane monongoaha. Ke lekhetlo la pele Mokoetlisi Mafoso a tla be a etelletse pele sehlopha lipapaling tsa COSAFA.

Lipapali tsena li bohlokoa haholo kaha ke tsona tse tliil'o sibolla talenta e ncha le ho e thusa ho tsebaha la machabeng ka papali e tsoileng matsoho. Li boetse li tliil'o thusa ho bopa sehlopha se matla se tlang ho emela naha lipapaling tsa mokhahlelo oa pele oa AFCON 2027, moo lihlopha li arotsoeng ka mekhahlelo e robeli e bopiloeng ka lihlopha tse 'ne.

Lehlohonolo le leholo ke la hore Liki ea Lihlopha tse Kholo e fihla pheletsong mafelong a beke ena, 'me sena se tliil'o thusa bakoetlisi ho boela ba fumana nako e ngata ea boikoetliso ba libapali, kaha boikoetliso lihlopheng tsa bona bo se bo fihlile pheletsong, ntle le sehlopha sa Lijabatho, se lokelang ho qalella ho itokisetsa litlholisano tsa CAF tsa lihlopha tseo e leng tsona tse hapileng liki linaheng tsa habo tsona.

Taba e 'ngoe ea bohlokoa eo Bob a e entseng ke ho lula a fetolela libapali a ipapisitse le makhabane a sebakali ka seng, e le hona ho ntlafatsa sehlopha sa naha. Leha ho le joalo, sebakali se khethoa ho ipapisitsoe le boitsoaro har'a tse ling, hore ke motho ea ka lumelang ho koetlisoa, le hore o mamela bakoetlisi le hore ke motho ea nang le lerato le tebileng la papali ea bolo ea maoto le ho ba le kutloisiso ea hore o emetse naha.

Libapali tse ncha tse kenyelelitseng mokhethoeng ona oa mathomo ke Lebohang Lesako ho tsoa sehlopheng sa Orbit College naheng ea Afrika Boroa, Katleho Mochesane e le sethiba-thibane ho tsoa ho LMPS, Bafokeng Ntšeno ho tsoa ho sehlopha sa Kick4Life Juventude se tliil'o kena lihlopheng tsa Liki e Kholo ha selemo sa lipapali sa 2026/2027 se fihla pheletsong mafelong ana a beke le Tsoatang Malese-



la ho tsoa sehlopheng sa Manonyane.

Athe libapali tse ling tsona ho lithiba-thibane ke Leluma Mokoka, Tankiso Chaba le Mohaneng Ramalefane.

Ba bapalang morao ke Tumisang Maime, Rethabile Mokokoane, Itumeleng Leche, Bafokeng Ntšeno, Mohlomi Makhetha, Paseka Bale, Thabo Mafatle,

Mzimazi Tyhali, Itumeleng Falene, Ngaka Lenka, Sehapi Sehapi, Katleho Koaana, Tlotliso Mapola, Fusi Matlabe, Khosimotse Theko le Kobeli Toki.

Ba bapalang mpeng ea lebala ke Kananelo Rapuleng, Morena Moloi, Lebhang Pitso, Retšelisitose Moepi, Tlotliso Phatsosi, Tšepo Makhanya, Tšele Rankhasa, Mpho Teele, Teboho Berente, Khubetsoana Kamela, Lehlohonolo Fothoane, Kokolia Ntlama le Monyane Senatla.

Haele bahlaba-lintlha bona ke Tšepang Sefali, Limpho Ralesupi, Jane Ntobane, Tumelo Khutlang, Tholang Makuru, Tsoatang Malesela, Lemohang Lintša, Mofihli Mabokoane, Tšeliso Botsane le Katleho Makateng. Sehlopha sena ke sona seo ho tlang ho hloauoa libapali tse 22 tse tlang ho e hlanaka lipapaling tsa Mohope oa African Cup of Nations 2027. Naha ea Lesotho e sa le e kene-la lipapali tsa COSAFA ha e-s'o finyelle ho makhaola-khang, e lula e ntse e'a nk'hella feela. E be monongoaha e tla sebetsa joang ka mokoetlisi e mocha? Re se re tla boka ha liroha!

Nedbank 8 e'a qala

Tšeliso Thakholi

Ho tliil'o tloa litlhase mafelong a na a beke lebaleng la Bambatha, Maseru, ka la 16 ho isa la 17 Motšeanong monongoaha, ha lihlopha tse robeli tsa mokhahlelo oa ka Boroa le Leboea oa A Division, li tla be li tseka mohope oa selemo le selemo oa Nedbank 8, o tšehelitseng ka bokhotho-khotho ba chelete e kaalo ka M350,000.00.

Ka Moqebelo oa la 16 Motšeanong, Qoaling Highlanders e tliil'o phephetsa bompoli ba ka Leboea ba A Division e leng Mzamane, ba tlabeng ba khutlela lihlopheng tse kholo lekhetlo la bobeli ha lipapali tsa Liki e Kholo li fela. Papali e hlahlamang hona letsatsing le tšoanang ke sehlopha se tšoereng boemo ba pele liking e ka Boroa ea A Division e leng Kick4Life Juventude, e tla beng e nkana le sehlopha se sa tsoa kena lihlopheng tsa A Division e leng sa Buasono United.

Letsatsing le hlahlamang la Sontaha Lilemela e tla amohela sehlopha se secha haholo kahare ho A Division sa All Aces, se ileng sa makatsa ba bangata ka papali ea sona e ntle ha sene se fihla kahare ho A Division. Ha FC Summit e tla isana

holimo le tlase le sehlopha sa Litšehlo seo e leng khale haholo se le kahare ho Mokhahlelo oa A Division.

Se tliil'o etsa hore lipapali tsena e be tse monate ka ho fetisisa ke hobane lihlopha tsena ke tse 'ne tse kaholimo lokong mokhahlelong ka mong. Bompoli ba neng ba lokela ho sireletsa sekola lipapaling tsena e leng Quthing LMPS, ba qalile liki hantle ba ntse ba le kahar'a lihlopha tse 'ne tse kaholimo lokong, empa ea re ha e haba ho fela ba khathala tseleng. Ka hona ba sitoa ho kena ho tla sireletsa mohope, kaha Nedbank 8 e bapaloa feela ke lihlopha tse 'ne tse kaholimo lokong ka Boroa le ka Leboea liking ea A Division.

Mokhahlelong ona oa pele lihlopha li tla bapalana ho fihlela ho sala tse 'ne, e leng tsona tse tla bapala ho seka-makhaola-khang. E be li phethela ka ho tseka

mokhaola-khang le boemo ba bararo le ba bone ka tallellano ho tse tla beng li hlotsoe.

Raliphatlalatsa oa sehlopha sa Mzamane Monghali Mohlalefi Kokoropo o itse joalokaha sehlopha sa habo ha se kena liking ea lihlopha tse kholo, se ikemiselitse ho hahar'a mehope eohle, pele se fetela ka ho tse kholo. A tiisa hore monongoaha ha se ngoahola, 'me sehlopha sa habo se tliil'o tsitsa kahare ho Liki e Kholo. Ka hona se ke ke sa hlotse se kena se etsoa kahare ho eona.

Lihlopha tse 'ne tse tla tsoa mokhahlelong oa pele oa litlholisano li tla phumuloa menyepetsi ka chelete e kaalo ka M20,000.00 sehlopha ka seng. Bahlo- li ba litlholisano tsena ba tliil'o hapa chelete e kaalo ka M35,000.00, limentlele le mohope o majaba-jaba. Sehlopha sa bobeli se

tla ea hae ka M30,000.00 le limentlele tsa Silifera, sa boraro se tla amohela M25,000.00 le limentlele tsa Bronze, ha se tla ba mae-mong a bone se tla abeloa matšelisano a M20,000.00 joaloka lihlopha tse 'ne tse tla tsoa pele lipapaling tsena.

Motšehetsi e moholo oa litlholisano tsena e leng Nedbank ka moemeli oa eona, Monghali Sekonyela Matamane o ne a ile a bontša pejana nakong eo ho neng ho etsoa lotho ea litlholisano tsena, hore ka lipapali tsena ba etsa boitlamo bo tiileng ba hore Nedbank e tla tsoelapele ho tšehetsa lipapali ka sepheo sa ho holisa le ho matlafatsa litalenta tsa bana ba Basotho le ho atlehisa bolo kahare ho naha.

"Tšebeliso 'moho e mofuthu lipakeng tsa banka le Komiti ea Tsamaiso ea A Division (ADMCO), ke bopaki ba 'nete ba motheo o tiileng oa ho matlafatsa boleng ba Liki ea A Division." Ke eena eo.



Lijabatho ke bompoli

Tšeliso Thakholi

Sehlopha sa Bolo ea Maoto sa Lijabatho 'Mahala' ea Morija se e ntsa nalane lekhetlo la pele lebaleng la Setsoto, Maseru, ka Moqebelo oa la 9 Motšeanong monongoaha, se ena le lilemo tse tharo se le kahare ho lihlopha tse kholo tsa Premier, ha se phamola Lioli Mohope oa Liki e Kholo ea Vodacom.

Lijabatho e hlotse Lioli 4-0 lebaleng la Setsoto papaling e neng e tonetsoe mahlo haholo, boteng ba liofisiri tse kholo tsa Mokhatlo o Tsamaisang Bolo Lesotho (LeFA), le barati le batšehetsi ba bolo ea maoto.

Ntlha ea pele ea Lijabatho e kene ka Jane Thabantšo metsotsong e mene papali e qalile, moo mola o kamorao oa Lioli o ileng oa etsa phoso e kholo ka ho se kopane hantle. Ntlha ea bobeli e kene ka Tumelo Khutlang, a hlaba ea boraro e le mokoko kamor'a hore ba mo lihe kahar'a li 18yrd. Papali e ile ea hla ea bonahala hore e sekametse ho

kae, kaha Lioli e ne e hlile e imetsoe ke ntoahaholo, 'me e ne e filha lipalong tsa Lijabatho ka thata haholo. Li ile khafutsong Lijabatho e se e matha pele ka tse tharo ho lehe.

Ha li khutla khafutsong Tumelo Khutlang ea ipabotseng ka ho hlaba lintlha tse ngata liking, o ile a nka bolo a tatamala ka eona a ba a feta mola o kamorao oa Lioli a e hakisa letloha ea eba 4-0, 'me eaba ho felile ka Lioli. Lijabatho e ne e le tlasa khatello e matla ea hore e hlole Lioli, kaha Bantu e ne e se e behile merebele haholo, kaha e ne e se e shapile le ho tlohlolla LCS ka phafa ea 5-1 papaling e ileng ea qala pele ea letsatsi leo.

Mokoetlisi oa sehlopha sa Lioli Halemakale Mahlaha eo koteraka ea hae e felang ka Phupjane monongoaha, o bontšitse a sa khotsofala ho hang ke tsela eo sehlopha sa hae se bapetseng ka teng karolo ea pele le ea bobeli ea papali. A re bokamoso ba hae sehlopheng sa Lioli bo tla itsoela ho botsamaisi ba sehlopha hore na o tla 'ne a tsoelepele le

sehlopha kapa che. Tse ling tsa lipotso o bile sechele ho li araba ka le reng ha e-s'o tsebe hantle hore na o ntsa a tla tsoelapele le Lioli kapa che.

Athe mokoetlisi oa Lijabatho James Madidilane o

bangata bane ba halala Lijabatho ba re ke sehlopha se senyenyane se ke ke sa nka liki, ha ba bang bona bane ba tiisa hore ho latela libapali tseo e nang le tsona se tliil'o nka liki. A leboha bohle ba kentseng letsoho

Ho sa le joalo, mohatlang oa liki ntoahaholo e kholo e lipakeng tsa Members le Liphakoe, 'me e tla hlola papali ea eona mafelong a beke e tla be e phonyohile selepe. Athe Maroala e neng e sa tsoa kena lihlopheng tse



lebohile sehlopha sa hae ka papali e ntle eo ba e bontšitseng. A lebohela botsamaisi ba sehlopha le batšehetsi ba sona ka tlhoho eo ba e fumaneng. A re batho ba

hore sehlopha se tle se qetelle se atlehile ho hapa liki. Lijabatho e tliil'o bapala papali ea eona ea ho qetela e koalang liki mafelong ana a beke le Matlama.

kholo e tsoile le moo e keng le teng, 'me e khutlela lihlopheng tsa A Division ha Mzamane le Kick4Life Juventude li tliil'o nyolohela ho Premier League.

Lihlopha tsa rugby lintšana bothaka

Tšeliso Thakholi

Lihlopha tsa Liki e Kholo ea Econet Rugby tsa banna le basali li ile tsa ntšana bothaka, lipapaling tsa ho qetela tsa mokhahlelo oa pele tse neng li bapalloa lebaleng la Motebo oa Sepolesa Ha Mabote, mafelong ana a beke, moo sehlopha sa banna sa Mabote Beavers se ntseng se tseka hoba bompoli se ileng sa teteka Mabita Gorillas ea Botha-Bothe ka phafa ea 81-12.

Papali e 'ngoe e bileng matla haholo ka ho banna, e bile lipakeng tsa sehlopha se kotsi haholo sa Liqhomanane le Maseru Warriors, 'me joaloka kamehla, Liqhomanane ea e pola 31-19. Ka hoba basali, Liqhomanane ea hlola Maseru Warriors ka 28-0 ha Mabote Beavers e bonahalang e lalasa ka ho banna le basali e ile ea paputlaka Mabita Gorillas ka 34-0.

Lipapaling tsena tseo barati le batšehetsi ba rugby ba neng ba li bohile ka thahasello e kholo, ho bonahetse sehlopha sa Mabote Beavers se ipabola, ho tloha ha Liki ea Econet Rug-



by e qala. Se na le mohlankana ea kotsi haholo, e leng Kabelo Lebina, ea seng a ithomme pele ka ho hlaba 'li-try' tse tšeletseng ho tloha lipapali Liki li qalile.

Lebina o hlahlangoa ke Khothatso Khoatsana ka 'li-tray' tse hlano, ho tsoa sehlopheng sa NUL Spears, borarong ebe Koena Nketsi ka 'li-try' tse 'ne, ha boneng e le bahlankana ba babeli ba sehlopha sa Liqhomanane e leng Mokete Mpomane le Keketso Sejake. Athe ka ho basali ea ntseng a le ka holimo-limo ka ho hlaba 'li-try' tse ngata ke Kekeletso Matšoele oa NUL Spears, o hlahlangoa ke Mookho Lesoetsa ho tsoa ho Liqhomanane.

Papali ea rugby ho bonahala e hola ka sekahla se sehlole selemo le selemo papising le mefuta e meng ea lipapali e teng kahar'a naha. Liki e bonahalang e tsitsitse ea papali ena, ho ngolisoa mekhatlong e mehoro ea machaba ke ea tse ling se thusang rugby ho hola ka matla. Se bonahalang se ntse se haella ke tlhokahalo ea mabala a papali ena le botšehetsi ho tsoa ho bahoebi le ho batho ka bo mong.

Sena se bonahala haholo ka lihlopheng tsa basali tseo ka linako tse ling lipapali li sitoang ho tsoele pele ka lebaka la ho haella ha libapali. Ho bua 'nete basali ba haella haholo papaling

ea rugby, 'me sena se ama kholo ea liki ea basali. Empa

ho seke ha hola liki ea banna feela, empa le ea basali? Karabo ea potso ena e tla hlaha koranteng e tlang kaha raliphatlalatsa a ne a phathahane. Ho ea ka ba bang ba libapali tsa rugby, ba bontšitse ho ntse ho tšeroe hantle haholo papaling ena empa bothata bo boholo ka ho basali ke litšehetso tse tla thusa hore lihlopha tsa basali tsa rugby le tsona li hole joaloka tsa banna.

Ba re rugby e se e le mothating oo lihlopha tsa basali li seng li lokela hoba ngata kahar'a naha. "Re hloka ho thusoa ke mokhatlo o moholo hore re ikemele ntate." Ke bona bao ba bile ba phethela ka ho thoholetsa tšehetso e matla eo e saleng ba e fumana ho tsoa ho Kamapani ea Econet-Lesotho ho tloha ha papali ea rugby e qala ho filha kahar'a naha. Ba kopa likampani tse ling ho nka mohlala oo o motle.

